

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar Admir Katica, (u daljem tekstu: Kupac)

i

„R&S“ d.o.o. Sarajevo, Igmanska bb, koje zastupa direktor Kemal Selmanagić (u daljem tekstu: Prodavac)

zaključili su:

UGOVOR

Za nabavku higijensko potrošnog materijala

Član 1.

Predmet ugovora je nabavka higijensko potrošnog materijala za potrebe Ministarstva unutrašnjih poslova Kantona Sarajevo.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj 01-14-4-2696-5 i stvarnim potrebama Ugovornog organa. Predračun Dobavljača broj 1262/23 od 24.07.2023. godine je sastavni dio ovog ugovora.

Nabavka je izvršena putem otvorenog postupka na osnovu Odluke broj 01-11-4-2696 od 26.05.2021. godine.

Član 2.

Ukupna vrijednost ovog ugovora iznosi: 13.906,50 KM bez PDV-a (trinaesthiljadadevetstotinašest 50/100 KM).

Ugovorni organ će ugovorenu cijenu plaćati u roku od 30 (trideset) dana po dostavljanju fakture.

Član 3.

Ponudač se obavezuje da će ugovorenu isporuku roba izvrši sukcesivno a prema zahtjevima kupca i u roku od tri dana od dana prijema zahtijeva za isporukom.

Robu će isporučiti na adresu Ugovornog organa, Zmaja od Bosne broj 9, 71 000 Sarajevo.

Član 4.

Ukoliko poslije zaključenja ovog Ugovora nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilažanje odgovarajućih dokaza.

Član 5.

Ovaj Ugovor stupa na snagu danom potpisivanja ovlaštenih predstavnika obje ugovorne strane i zaključuje se do okončanja isporuke ugovorenih količina.

Član 6.

Ugovorne strane su saglasne da će se sve izmjene i dopune osnovnog ugovora regulisati aneksima ugovora.

Član 7.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 8.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, utvrđuje se nadležnost suda u Sarajevu.


Član 9.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PRODAVAC
„R&S“ d.o.o. SARAJEVO



direktor, Kemal Selmanagic



Broj : 2407/23

Broj : 01-11-4-2696-23/23.

Datum: 24.07.2023

Datum: 24.07.2023 godine